

13-07-2025

Morning Dogri

0900 hrs

National News

खास खबरां

1. चुनां आयोग नै बिहार च 80 प्रतिशत गणना फार्म जमा कीते। लक्ष्य 25 जुलाई शा पैहले पैहने पूरा करने दा ऐ।
2. विश्व सेहत संगठन हू नै रिवायती आयुष चिकित्सा प्रणालिएं च भारत आस्सेआ एआई दे इस्तेमाल गी मानता दिक्ती।
3. मौसम विभाग नै मध्यप्रदेश, राजस्थान, गुजरात ते उत्तराखंड च बड़ी मती बरखा बरने दा ओरेंज अलर्ट जारी कीता ऐ।
4. तेजिंग नोर्गे राष्ट्री साहसिक पुरस्कार 2024 लेई नामांकन 15 जुलाई तगर खुल्ले न।
5. ईगा रिवायतेक पै अनांडा अनिसिमोवा गी हराइयै पैहला विमलंडन महिला सिंगल्स खताब जित्ती लैता ऐ।
6. क्रिकेट च एंडरसन-तेंदुलकर ट्रॉफी दे त्रीए टैस्ट मैच दे चौथे ध्याड़े इंग्लैंड भारत खलाफ अज्ज दूई पारी च 2 रंजें थमां अगगे खेडोग।

<><><><><><>

Bihar Election

बिहार च, अजे तगर 80 प्रतिशत थवा मते मतदाता अपने फार्म जमा कराई चुके दे न। निर्वाचन आयोग नै आक्खेआ ऐ जे मतदाताएं थवा फॉर्म भरवाने दा कम्म 25 जुलाई दी तय समे-सीमा थवा पैहले पैहला गै पूरा करने दे जतन कीते जा र दे न। आयोग नै दस्सेआ ऐ जे पैहली अगस्त गी प्रकाशित होने आहली अस्थायी आरजी सूची च नां शामिल कराने आस्तै, मतदाताएं गी लोडचदे दस्तावेजें दे कन्नै फॉर्म भरना होग। ज़रूरी होने पर मतदाता गी दस्तावेज जमा कराने आस्तै 30 अगस्त तक दा समां दिता जाई सकदा ऐ।

<><><><><><>

WHO Ayush

विश्व स्वास्थ्य संगठन नै भारत च रिवायती चिकित्सा ते खासकरी आयुष पद्धति कन्नै आर्टिफिशियल इंटेलिजेंस गी जोड़े जाने आहले गै गी महत्वपूर्ण दस्सेआ ऐ। संगठन नै अपनी पैहली तकनीकी रिपोर्ट च मन्नेआ ऐ जे आयुर्वेद, योग, प्राकृतिक चिकित्सा, यूनानी, सिद्ध, सोवा रिग्पा ते होम्योपैथी दे कन्नो कन्नी आर्टिफिशियल इंटेलिजेंस दा असरदार इस्तेमाल कीता जा र दा ऐ।

<><><><><><>

Weather

मौसम विभाग नै अज्ज मध्यप्रदेश, राजस्थान, गुजरात ते उत्तराखंड लेई बड़ी मती बरखा दा ओरेंज अलर्ट जारी कीता ऐ। मैहकमे दे वरिष्ठ सांइसदान डॉ. आर.के. जेनामणि होरें आकाशवाणी गी दस्सेआ जे अगले 3-4 दिनें तगर हिमाचल प्रदेश, उत्तराखंड ते राजस्थान दे किश हिस्से च तेज बरखा जारी रौहग। उनें दस्सेआ जे अजें दऊं दिनें तगर पच्छिम बंगाल,

सिक्किम, बिहार, झारखंड ते ओडिशा सनें देसै दे पूर्वी हिस्से च बी इयै ले हालात बने दे रौंहगन।

<><><><><><>

HP Rains

हिमाचन प्रदेश च सक्रिय मानसून करियै राज्य दे बक्ख-बक्ख हिस्से च बरखा गरा करदी ऐ। विभाग नै औंदी 18 जुलाई तगर समूलचे राज्य च खराब मौसम दी पेशगोई कीती ऐ। विभाग नै अज्ज मंडी, शिमला, सोलन ते सिरमोर जिले च बड़ी मती बरखा दा यैलो अलर्ट जारी कीती ऐ। कल 14 जुलाई गी ऊना, मंडी, शिमला ते सोलन लेई यैलो ते 16 गी चंबा, कांगड़ा, कुल्लु, मंडी, मनाली, शिमला ते सोलन च बड़ी मती बरखा दी चेतावनी दिक्ती ऐ।

<><><><><><>

EAM

विदेश मंत्री डॉ. एस.जयशंकर हुंदा सिंगापुर ते चीन दा त्रै दिनी दौरा अज्जै थमां रंभ होआ करदा ऐ। उनें सिंगापुर च उत्तीआं दे विदेश मंत्री ते होर दुए लीडरें कन्ने मलाटी लांगन। डॉ. जयशंकर होर आने दौरे दे दुए गेड़ च चीन दे तियानचिन शैहरे च शंघाई सैहयोग संगठन दे विदेश मंत्रिण दी परिषद दी बैठक च शामिल होंगन। चीन दे अपने दौरे दरान बी डॉ. जयशंकर होर दपक्खी बैठक बी लांगन।

<><><><><><>

ED

प्रवर्तन निदेशालय नै रियल एस्टेट कंपनी पर्स एग्रोटेक कॉर्पोरेशन लिमिटेड ते ओदे निदेशके ते प्रमोटरे दी 7 सौ 62 करोड़ रुपये था मती दी अचल संपत्तियें गी अस्थायी तौर पर जब्त करी लैता ऐ। एह संपत्तियां पंजाब, हरियाणा, दिल्ली, महाराष्ट्र ते ऑस्ट्रेलिया च न। निदेशालय मूजब पर्स एग्रोटेक ते ओदे निदेशके बड़्डे पैमाने पर धोखाधड़ी आहली सामूहिक निवेश योजना चलाईऐ तकरीबन 48 हजार करोड़ रुपये किट्टे कीते ते उन्दा गलत इस्तेमाल कीता। ईडी दी जांच था पता लग्गा ऐ जे किट्टे कीते गेदे पैसे दा इस्तेमाल 68 अचल संपत्तियें गी खरीदने च कीता गेआ ऐ।

<><><><><><>

Ayush

अखिल भारतीय आयुर्वेद संस्थासन दा त्रै रोजा राष्ट्रीय सम्मेलन अज्ज था नमी दिल्ली च शुरू होआ र दा ऐ। एह आयोजन शल्यर चिकित्साट दे जनक मन्ने जाने आहले सुश्रुत हुन्दी जयती पर कीता जा'रदा ऐ।

<><><><><><>

Youth Affair Award

तेनजिंग नॉर्गे राष्ट्रीय एडवेंचर पुरस्कार आस्तै नामांकन शुरू होई गए न। एह पुरस्कार नोजवानें च चुनौतीपूर्ण माहौल च दलेरी, जोखिम लैने दे साहस, टीम भावना क्कनै कम्म करने दी प्रवृत्ति ते क्विक रिफ्लेक्स च बेजोड़ प्रदर्शन आस्तै दिता जन्दा ऐ। एह पुरस्कार जमीन, हवा ते पानी च दलेरी दे अलावा एडवेंचर दे क्षेत्र च जीवनभर दी उपलब्धि आस्तै बी

दिता जन्दा ऐ।इसी अर्जुन पुरस्कार दे कन्नो कन्नी प्रदान कीता जन्दा ऐ। विजेताएं गी पुरस्कार दे तौर पर 15 लक्ख रूपे प्रदान कीते जन्दे न। पुरस्कार आस्तै नामांकन निर्धारित वेबसाइट अवाड्स डॉट जीओवी डॉट इन पर इस महीने दी 15 तरीख तक कीता जाई सकौग।

<><><><><><>

Amarnath Yatra

जम्मू दे भगवती नगरा था 7 हजार 49 श्रद्धालुएं दा इक होर जत्था सख्त सुरश्रा बंदोबस्ते हेठ श्री अमरनाथ जी दी यात्रा लेई घाटी आस्तै रवाना होआ ऐ। एह जत्था बडलै 286 गड्डिए दे काफिले च सोआर होईए रवाना होआ। इस जत्थे च 5 हजार 459 मर्द, इक हजार 423 महिला, 31 बच्चे 107 साधु ते 29 साधवियां शामिल हियां। इन्दे चा 2 हजार 891 श्रद्धालु बालताल लेई ते 4 हजार 158 श्रद्धालु पहलगाम लेई रवाना होए न।

<><><><><><>

Iran FM

ईरान दे विदेश मंत्री सईद अब्बास अरागची होरें आक्खेआ ऐ जे ओह पैहले बी अपने परमाणु कार्यक्रम गी लेईए गल्लबात आस्तै तैयार रेआ ऐ ते अग्गे बी रहौग। कल केई देशें दे राजदूतें ते प्रतिनिधियें कन्नै बैठक च उने एह गारंटी मंगी जे गल्लबात दोबारा शुरू होने पर अमरीका या ओदे मित्र देश ईरान पर युद्ध नेई थोपेंडन। श्री अरागची होरें आक्खेआ जे इस्रायल-ईरान संघर्ष नै परतिऐ साबित कीता ऐ जे कूटनीति ते गल्लबात कन्ने गै हल निकली सकदा ऐ। उने आक्खेआ जे अमरीका नै इस्रायल दी मदद ते ईरान दे परमाणु ठिकानें पर हमले करिऐ धोखा कीता ऐ। श्री अरागची होरें एह बी आक्खेआ ऐ जे गल्लबात च एह बी स्वीकार कीता जाना लोडचदा जे ईरान गी यूरेनियम संवर्धन सने परमाणु अधिकार ऐ।

<><><><><><>

France

दक्षिण प्रशांत सागर कायम न्यू कैलेडोनिया फ्रांस दा नमा राज्य होग। इस सरबंघ च कल पेरिस च होए दे इक समझौते मूजब न्यू कैलेडोनिया दे नागरिकें गी फ्रांस दी नागरिकता बी दिती जाग। समझौते मूजब, न्यू कैलेडोनिया कन्नै निकेल प्रसंस्करण समझौते दा नवीकरण बी कीता जाग। फ्रांस दे राष्ट्रपति इमैनुअल मैक्रें होरें इसी इक ऐतिहासिक समझौता दस्सेआ ऐ, हालांकि अजे इसी न्यू कैलेडोनिया च मंजूरी थोनी बकाया ऐ। न्यू कैलेडोनिया 1850 च फ्रांस दा उपनिवेश हा ते दुए विश्व युद्ध मगरा एह प्रशांत क्षेत्र च फ्रांस दे हिस्से आहला लेखा हा जित्थुआ दे नागरिकें गी फ्रांस दी नागरिकता दिती गई ही।

<><><><><><>

Amrica-EU

अमरीका के राष्ट्रपति डॉनल्ड ट्रम्प होरें मैक्सिको ते यूरोपीय संघ था होने आहले आयात पर 30 प्रतिशत शुल्क लाने दी घोषणा कीती ऐ। एह दर पैहली अगस्त सोयां प्रभावी होग। श्री ट्रम्प होरें आक्खेआ ऐ जे व्यापार घाटा अमरीका दी राष्ट्रीय सुरक्षा आस्तै खतरा ऐ। 27 मिंबर देशें आहले यूरोपीय संघ नै 30 प्रतिशत शुल्क लाए जाने दी निन्देआ कीती ऐ।

यूरोपीय परिषद दे अध्यक्ष होरें आक्खेआ ऐ जे एह्दे कन्नै महंगाई बढ़ोग ते आर्थिक विकास च रुकावट औग। उने एह भी आक्खेआ ऐ जे यूरोपीय संघ अपने हितें दी राखी करोग। इस्सै दौरान यूरोपीय आयोग दी अध्यक्ष वॉन डेर लेयेन होरें आक्खेआ जे पैहली अगस्त सोयां पैहले गै इक निष्पक्ष समझौता करने दे जतन कीते जाडन।

<><><><><><>

Wimbledon Tennis

विम्बल्डन च पोलैंड दी ईगा स्विघातेक नै पैहली बारी विम्बल्डन दा महिला सिंगल्स खताब जित्तेआ ऐ। लंदन च खेड्डे गेदे इक तरफा मकाबले च ईगा नै 13मीं वरीयता हासल अनांडा सिमोवा गी 6–0, 6–0 कन्नै हराया। एह स्विघातेक दा 6मां ग्रैंड स्लैम खताब ऐ। उनें 57एं मिंटें च गै मैच अपने नां करी लैता। मर्दे दे एकल मकाबले च अज्ज विश्व दे नंबर 1 खडारी जैनिक सिनटर दा खताब मकाबला स्पेन दे दूर्ई वरीयता हासल कार्लोस अल्काराज कन्नै होग। एह मैच भारतीय समें मताबक रातीं साढ़े 8 बजे खेड्डेआ जाग।

<><><><><><>

Cricket

क्रिकेट च एंडरसन–तेंदुलकर ट्रॉफी दे त्रीए टैस्ट मैच दे चौथे ध्याड़े अज्ज मेजबाल इंगलैंड भारत खलाफ अपनी दूर्ई पारी च बिजन कुसै नुकसान दे 2 रंजें थमां अगगे खेडोग। मैच भारतीय समें मताबक साढ़े 3 बजे शुरू होग। एह्दे शा पैहले पैहली पारी च इंगलैंड दे 387 रंजें दे परते च भारतीय टीम बी 387 रंज पर आउट होई गई। 5 टैस्ट मैचें दी श्रृंखला इसले 1–1 कन्नै बरोबरी पर ऐ।

<><><><><><>